

TULAFONO TAU FAAOFI O MALOSI FAASAOINA 2017

SAMOA

Faamatalaga e Faamalamalama ai

Faatomuaga:

O le sini o le Tulafono Tau Faaofi o le faatonutonuina lea faaletulafono o malosiaga faasaoina o oloa e faaaogāina ma faaaluina i malosiaga faa-eketise ma faamatalaga o tagata o faaaogāina, o na oloa ma mo faamoemoega e fesootai i ai.

Fuaiupu:

VAEGA 1 - FAATOMUAGA

- Fuaiupu 1: - ua aiaia ai mo le igoa puupuu ma le amataga o aiaiga.
- Fuaiupu 2: - ua aiaia ai mo le faamatalaina o uiga o fuaitau.
- Fuaiupu 3: - ua aiaia ai e faapea o lenei Tulafono e noatia ai le Malo.

VAEGA 2 - PULEAINA

- Fuaiupu 4: - ua faatulagaina ai o galuega tauave a le Matagaluega.
- Fuaiupu 5: - ua aiaia ai mo le tofiaina o tagata ofisa faatagaina.
- Fuaiupu 6: - ua faatulagaina ai malosiaga o tagata ofisa faatagaina.

VAEGA 3 - TULAGA FAATAATITIA

- Fuaiupu 7:** - ua aiaia ai mo tulaga faataatitia o faatinoga o malosiaga o le a fuafua ma filifilia e le Ofisa Sili o Pulega mo le faamoemoe o le Tulafono.

VAEGA 4 - RESITALAINA O OLOA, ITUAIGA MA FAUSAGA

- Fuaiupu 8:** - ua faasaina ai se tagata mai le feafaatauaiga o so o se oloa, ituaiga po o se fausaga, seia vagana ai o le oloa e mai i se ituaiga po o se fausaga ua resitalaina i lalo o le Tulafono.

- Fuaiupu 9:** - ua aiaia ai mo le malosiaga o le Ofisa Sili o Pulega e resitalaina ai se ituaiga ma se fausaga.

- Fuaiupu 10:** - ua aiaia ai e faapea e mafai e le Ofisa Sili o Pulega ona faaee atu so o se aiaiga o le resitalaina, pe a oo i le taimi e resitalaina ai se ituaiga ma se fausaga.

- Fuaiupu 11:** - ua aiaia ai mo manaoga ma le faagasologa mo talosaga e resitalaina ai se ituaiga ma se fausaga.

- Fuaiupu 12:** - ua aiaia ai e faapea, e mafai e le Ofisa Sili o Pulega ona manaomia le tagata talosaga e tuuina atu ma faamaonia se lipoti o le suesuega o le oloa, ituaiga ma le fausaga o le a resitalaina.

- Fuaiupu 13:** - ua aiaia ai mo le tulaga aloaia o le resitalaina o se ituaiga ma le fausaga.

- Fuaiupu 14:** - ua aiaia ai mo le fesuiaiga o le resitalaina o se ituaiga ma se fausaga ua maea ona resitala.

- Fuaiupu 15:** - ua aiaia ai mo le faalēaogāina o le resitalaina o se oloa, ituaiga po o se fausaga.

- Fuaiupu 16:** - ua faavaeina ai le tusi resitala e faamaumauina ai faamatalaga e faasino i le resitalaina o se ituaiga ma se fausaga ua resitala i lalo o le Tulafono.

VAEGA 5 - AIAIGA ESEESE

- Fuaiupu 17:** - ua aiaia ai mo le lafoaia o oloa ua lē tausisia o aiaiga.
- Fuaiupu 18:** - ua faaee atu ai se tiute tauave i le faioloa ina ia tuuina atu faamatalaga i se faiga faaletausaga, e faasino i le fefaatauaiga ma le faatauina atu o oloa o faaaogāina ma faaaluina i le malosiaga faa-letise, i le Ofisa Sili o Pulega mo faamoemoega tau fuainumera faamauina.
- Fuaiupu 19:** - ua aiaia ai e faapea o faamatalaga e faasino i le fuaiupu 18 e agatapuia, ae vagana ai mo le faaaogāina aloaia e pei ona faatagaina mo faamoemoega o le Tulafono.
- Fuaiupu 20:** - ua aiaia ai mo soligatulafono lautele ma faasalaga.
- Fuaiupu 21:** - ua aiaia ai mo le malosiaga O Le Ao o le Malo e faia ai tulafono faatonutonu.
- Fuaiupu 22:** - ua aiaia ai mo le malosiaga o le Ofisa Sili o Pulega e faamaonia ai pepa faatumu mo le faamoemoe o le Tulafono.
- Fuaiupu 23:** - ua aiaia ai mo mataupu tau soloaiga.



(Hon SILI Epa Tuioti)

MINISITA O TUPE

**TULAFONO TAU FAAOFI O MALOSI
FAASAOINA 2017**

SAMOA

Faatulagaina o Aiaiga

**VAEGA 1
FAATOMUAGA**

1. Igoa puupuu ma le amataga
2. Faamatalaina o uiga o upu
3. Tulafono e noatia ai le Malo

**VAEGA 2
PULEAINA**

4. Galuega tauave a le Matagaluega
5. Tagata ofisa faatagaina
6. Malosiaga o tagata ofisa faatagaina

**VAEGA 3
TULAGA FAATAATITIA**

7. Tulaga faataatitia

VAEGA 4
RESITALAINA O OLOA, ITUAIGA MA FAUSAGA

8. Faasaina
9. Malosiaga e resitala ai
10. Aiaiga o le resitalaina
11. Talosaga mo le resitalaina
12. Lipoti o suesuega
13. Aloaia o le resitalaina
14. Fesuaiga o le resitalaina
15. Faalēaogāina o le resitalaina
16. Tusi resitala

VAEGA 5
AIAIGA ESEESE

17. Lafoaia o oloa
18. Faamatalaga mo faamoemoega tau fuainumera faamauina
19. Faamatalaga agatapuia
20. Soligatulafono ma faasalaga
21. Tulafono Faatonutonu
22. Pepa faatumu faamaonia
23. Aiaiga tau soloaiga

2017, Nu.

O SE TULAFONO TAU FAAOFI UA TAUA

O SE TULAFONO e faatonutonuina ai faaletulafono malosiaiga faasaoina o oloa e faaaogāina ma faaaluina i le malosiaiga faa-letise ma faamatalaga o tagata e faaaogāina, na oloa, ma mo faamoemoega e fesootai i ai.

UA FAIA e le Fono Aoao Faitulafono a Samoa i totonu o le Palemene ua potopoto e faapea:

VAEGA 1 FAATOMUAGA

1. Igoa puupuu ma le amataga:

- (1) E mafai ona taua leni Tulafono o le Tulafono o Malosi Faasaoina 2017.
- (2) O leni Tulafono e amata faamamaluina i le aso e tuuina i ai le maliega a le O Le Ao o le Malo.

2. Faamatalaina o uiga o upu:

I totonu o leni Tulafono, ae vagana ai ua manaomia e le mataupu se isi uiga e ese ai:

“pepa faatumu faamaonia” o lona uiga o se pepa faatumu ua faamaonia i lalo o le fuaiupu 22;

“ituaiga” o lona uiga o so o se faailoga, e aofia ai se igoa, faailoilo o se mamanu, po o se faailoga tau fefaatauaiga, lea o lo o i ai se pepa igoa ma faamaumauga moomia o se oloa;

“Ofisa Sili o Pulega” o lona uiga o le Ofisa Sili o Pulega o le Matagaluega;

“faamatalaga agatapuia” o lona uiga o so o se faamatalaga ua taua i totonu o le fuaiupu 19;

“lafoaia” o lona uiga ia faatamaia, po o le lafoai, po o le auina atu i fafo, o se oloa po o se fausaga; peitai, e lē aofia ai se fefaatauaiga, i le oloa po o le fausaga;

“Matagaluega” o lona uiga o le Matagaluega e fitoitonu i ai le puleaina o leni Tulafono;

“fausaga” o lona uiga o se faatulagaga o oloa o le ituaiga e tutusa, o ona oloa taitasi e i ai uiga vaaia e tutusa o faatinoga o malosiaiga;

“vaega faatonuina” o lona uiga o oloa o se ituaiga lea ua maea ona fuafuaina e le Ofisa Sili o Pulega se tulaga faataatia i lalo o le Vaega 3;

“oloa” o lona uiga o se oloa e tasi o faaaogāina ma faaaluuina i le malosiaiga faa-elletise i totonu o se vasega o oloa;

“vasega o oloa” o lona uiga o se vaega po o se faatulagaga o oloa o faaaogāina ma faaaluina i le malosiaga faa-eketise, o se tulaga faataatia o lo o mauaina ai le tulaga tutusa lautele o lona faagaoioiga;

“faatau atu” e aofia ai le lisiina atu, totogi faalisi, faatau faa-aitalafu, auina atu i fafo, totogi auauai po o isi feuiaga faapisinisi faapena;

“tulaga faataatitia” o lona uiga o tulaga faataatitia o faatinoga o malosiaga ua faamaotiina i lalo o le fuaiupu 7;

“lipoti o suesuega” o lona uiga o se lipoti o suesuega o manaomia i lalo o le fuaiupu 12;

“fefaatauaiga” o lona uiga, o le faaulufale mai, faia, tufatufaina atu po o le faatau atu po o le faalauiloa po o le ofo mo le faatauina atu, o so o se oloa po o se fausaga, po o le faaulufale mai po o le faia o so o se oloa po o se fausaga mo le faaaogāina faapisinisi po o le faaaogāina e le tagata lava ia.

3. **Tulafono e noatia ai le Malo:**

O lenei Tulafono e noatia ai le Malo.

VAEGA 2 PULEAINA

4. **Galuega tauave a le Matagaluega:**

O galuega tauave nei a le Matagaluega:

- (a) ia pulea ma faamalosiaga, ma atiae ma faatulaga o faiga faavae mo faamoemoega o, lenei Tulafono;
- (b) ia faalauiloa ma uunaia le faaaogāina i se tulaga saogalemu ma le fuafua tatau o malosiaga;
- (c) ia faalauiloa ma uunaia faiga mo le faasaoina o ituaiga eseese uma o malosiaga;
- (d) ia mataitu tupe totogi o le faagaoioiga o oloa ma le maualuga o lo latou faaaogāina o malosiaga ma le faaaogāina tatau o malosiaga;
- (e) ia faalauiloa le faaaogāina tatau o malosiaga e ala i faiga e gafataulimaina e faasaoina ai o tupe totogi ma mataitu isi aafiaga matuia;

- (f) ia tauaveina so o se isi lava galuega tauave i lalo o lenei Tulafono po o so o se isi lava tulafono po o so o se isi lava galuega tauave ua faatonuina.

5. Tagata ofisa faatagaina:

E mafai e le Ofisa Sili o Pulega ona tofia so o se tagata faigaluega a le Malo po o le tofia o so o se isi lava tagata e avea o se tagata ofisa faatagaina mo le faamoemoe o lenei Tulafono.

6. Malosiaga o tagata ofisa faatagaina:

- (1) O malosiaga nei o tagata ofisa faatagaina:
- (a) e asiasia so o se oloa, ituaiga po o se fausaga, ua faamoemoe mo le resitalaina; ma
 - (b) e ulufale ai i so o se nofoaga o pisinisi e asiasia pe suesueina ni oloa; ma
 - (c) e manaomia ai le faioloa e tuuina mai faamatalaga mo faamoemoega o le resitalaina, asiasiga po o le suesuega; ma
 - (d) e ulufale ai i so o se nofoaga ma fale tumaoti pe afai e i ai se mafuaaga e talitonu ai le tagata ofisa faatagaina, e faapea o lo o faatino se pisinisi po o lo o puipuia se pisinisi mai le faatinoia, i totonu o le nofoaga ma fale e tumaoti; ma
 - (e) e suesueina soliga o lenei Tulafono e ono tulai mai; ma
 - (f) e faatino o so o se isi lava malosiaga ua faatonuina.
- (2) E lē mafai e se tagata ofisa faatagaina ona ulufale i so o se nofoaga ma fale o nofoia e tumaoti, seia vagana ai:
- (a) ua i ai faatasi ma le maliega a lē e ona po o le tagata o lo o umiaina le nofoaga ma fale; po o
 - (b) e tusa ai o se tusi faapoloaiga ua tuuina atu i lalo o le faafuaiupu (3).
- (3) Afai ua faamalieina se Faamasino o se Faamasinoga Faaitumalo i luga o se talosaga a se tagata ofisa faatagaina e faapea:
- (a) ua talafeagai ona ulufale i so o se nofoaga ma fale tumaoti o nofoia mo faamoemoega o le faafuaiupu (1)(d) po o lenei Tulafono; ma

- (b) ua teena po o e ono teena le maliega e lē e ona po o le tagata o lo o umiaina le nofoaga ma fale,
e mafai e le Faamasino ona tuuina atu se tusi faapoloaiga mo faamoemoega o le faafuaiupu (1)(d) po o lenei Tulafono.
- (4) E mafai e se tagata ofisa faatagaina ona:
 - (a) faia o so o se mea e talafeagai lelei e faataunuuina ai le ulufale ma le suega i totonu o le nofoaga ma fale; po o
 - (b) le aveina i le nofoaga ma fale lea ua avea ma mataupu autu o se tusi faapoloaiga, o so o se meafaigaluega ua talafeagai lelei mo le suesueina po o le faagaoioiga o mea ua maua i le nofoaga ma fale; po o
 - (c) le faoa faamalosi o so o se mea ua maua i le nofoaga ma fale e tumaoti, lea e mafai ona faaogā e avea ma faamatalaga molimau i le faia o se soligatulafono i lalo o lenei Tulafono.

VAEGA 3

TULAGA FAATAATITIA

7. Tulaga faataatitia:

- (1) E mafai e le Ofisa Sili o Pulega ona fuafuaina o tulaga faataatitia po o le filifilia o so o se tulaga faataatia mai se isi atunuu ina ia faaogāina, mo le faamoemoe o lenei Tulafono.
- (2) E aunoa ma le faatapulaaina o le faafuaiupu (1), o isi tulaga faataatitia mo le faamoemoe o lenei Tulafono, e mafai ona faatonuina.
- (3) E ao i le Ofisa Sili o Pulega ona tuuina atu se faasilasilaga faalauaitele:
 - (a) ia taua ai e faapea o tulaga faataatitia ua maea ona fuafuaina po o ua filifilia; ma
 - (b) ua faamaotiina ai le aso e amata faamamaluina ai tulaga faataatitia.
- (4) E mafai ona lomia faasalalau i se nusipepa po o se isi auala ua fuafuaina e le Ofisa Sili o Pulega, se faasilasilaga i lalo o le faafuaiupu (3).

- (5) E mafai e se tagata, i le maea ai ona tofogi o le tofogifuapauina ua faatonuina, ona ia maua mai le Matagaluega se ata o tulaga faataatitia o lo o taua i totonu o le faafuaiupu (3).

VAEGA 4
RESITALAINA O OLOA, ITUAIGA
MA FAUSAGA

8. Faasaina:

E lē tataui i se tagata ona fefaataui so o se oloa, ituaiga po o se fausaga seia vagana ai o le oloa, o se oloa o se ituaiga po o se fausaga ua maea ona resitalaina i lalo o lenei Tulafono.

9. Malosiaga e resitala ai:

- (1) O le Ofisa Sili o Pulega:
- (a) e mafai, i luga o se talosaga i lalo o le fuaiupu 11 -
- (i) ona resitalaina se ituaiga ma se fausaga pe afai ua faamalieina e faapea o oloa o lea ituaiga ma le fausaga o lo o tausisia tulaga faataatitia; po o
- (ii) ua teena le resitalaina o se ituaiga ma se fausaga pe afai ua faamalieina i luga o le fautuaga a le tagata ofisa faatagaina e faapea, o oloa o lea ituaiga po o le fausaga e le o tausisia tulaga faataatitia; ma
- (b) e ao, ina ua tuuina atu o se faamaoniga i lalo o le faafuaiupu (2) -
- (i) ona resitalaina o se ituaiga ma se fausaga pe afai o le ituaiga ma le fausaga o lo o resitala i Ausetalia, Niu Sila, Fiti po o so o se isi lava atunuu ua faamaonia e le Ofisa Sili o Pulega; ma
- (ii) ua tuuina atu se numera o le resitalaina a Samoa mo lea ituaiga ma le fausaga.
- (2) E ao i se faioloa ona tuuina atu i le Ofisa Sili o Pulega se faamaoniga o le resitalaina o le ituaiga ma le fausaga i totonu o se atunuu ua faamaotiina i lalo o le faafuaiupu (1)(b)(i).

10. Aiaiga o le resitalaina:

E mafai e le Ofisa Sili o Pulega ona faaee atu so o se aiaiga o le resitalaina, i le taimi e resitalaina ai se ituaiga ma se fausaga.

11. Talosaga mo le resitalaina:

- (1) E mafai e se tagata ona talosaga i le Ofisa Sili o Pulega ina ia resitalaina o se ituaiga ma se fausaga.
- (2) O le talosaga e ao ona faia i le pepa faatumu faamaonia ma ia tuuina atu faatasi ma le totofiguapauina ua faatonuina.
- (3) Afai o le ituaiga ma le fausaga ua resitalaina i totonu o se atunuu ua faamaotiina atu i lalo o le faafuaiupu (9)(1)(b)(i), o se faamatalaga molimau lea ua atoatoa e faamalieina ai le Ofisa Sili o Pulega e tusa ai ma le faafuaiupu (9)(1)(a)(i).
- (4) E mafai e le Ofisa Sili o Pulega ona sailia ni faamatalaga faaopoopo mai:
 - (a) le tagata talosaga e faasino i le resitalaina o le oloa, ituaiga ma le fausaga; po o
 - (b) se faioloa o tuuina atu se faamaoniga i lalo o le fuaiupu 9(2).
- (5) E ao i le Ofisa Sili o Pulega ona faagasolo le talosaga i totonu o le 20 aso faigaluega mai le aso na mauaina ai le talosaga.
- (6) Peitai, e mafai e le Ofisa Sili o Pulega ona faaopoopo le 20 aso faigaluega i se isi vaitaimi e lē silia le 20 aso faigaluega i lalo o le faafuaiupu (4) mo so o se tulaga aliae mai e le i fuafuaina, e aofia ai le talia o faamatalaga faaopoopo po o se lipoti o suesuega po o se isi faamaoniga o lipoti o suesuega.

12. Lipoti o suesuega:

E mafai e le Ofisa Sili o Pulega ona manaomia le tagata talosaga:

- (a) ina ia tuuina mai se ata o so o se lipoti o suesuega (i le pepa faatumu faamaonia) mo le oloa, ituaiga ma le fausaga ina ia resitalaina; ma
- (b) ina ia faamaonia atili le lipoti o suesuega mai se fale suesue ua faamaonia aloaia le tulaga agavaa e faalapotopotoga faaleatunuu o pulega tau suesuega i totonu o Ausetalia po o Niu Sila po o so o se isi lava atunuu ua faamaonia e le Ofisa Sili o Pulega.

13. Aloaia o le resitalaina:

- (1) O le resitalaina o se ituaiga ma se fausaga e aloaia seia vagana ai:
 - (a) ua lē tausisia e le oloa, ituaiga po o se fausaga o tulaga faataatitia; po o
 - (b) ua faalēaogāina le resitalaina i lalo o le fuaiupu 15.
- (2) Afai o le resitalaina:
 - (a) ua muta lona aogā i lalo o le faafuaiupu (1)(a) -
 - (i) mo so o se oloa, ituaiga po o se fausaga ua fefaatauai, e mafai e le faioloa ona saili le faamaoniga a le Ofisa Sili o Pulega, e faaauau ai le faatauina atu o oloa, ituaiga po o se fausaga, e le o tausisia aiaiga; ma
 - (ii) mo so o se oloa, ituaiga po o se fausaga o faaaogā mo le faaaogāina e le tagata lava ia, e mafai e lē e ona, ona faaauau le faaaogāina o le oloa, ituaiga po o le fausaga mo ia lava, seia oo ina ua muta lona aogā, ma e lē tatau ona faatauina atu le oloa, ituaiga po o le fausaga;
 - (b) ua faalēaogāina i lalo o le faafuaiupu (1)(b), e ao i le Ofisa Sili o Pulega ona faamaoti i se faasilasilaga ina ia faalēaogāina i le resitalaina o aiaiga o le faaauauina ona faatau atu po o le lafoaia o oloa, ituaiga po o se fausaga ua lē toe resitalaina.
- (3) I le faaiuga o le vaitaimi e 12 masina i totonu o le faafuaiupu (2)(a) ma le (b), e mafai e se tagata ofisa faatagaina ona ulufale i se nofoaga o se pisinisi, lea o lo o i ai le oloa ma aveese faamalosi le oloa ina ia tagofia i lalo o le fuaiupu 17, pe afai o lea oloa e lei faatauina atu, i le noatia ma fai fuafua i manaoga o se tusi faapoloaiga i lalo o le fuaiupu 6(3).

14. Fesuaiga o le resitalaina:

- (1) E mafai e le Ofisa Sili o Pulega ona suia le resitalaina o se ituaiga ma se fausaga ua maea ona resitalaina.
- (2) E mafai e se faioloa, i totonu o le pepa faatumu faamaonia, ona talosaga i le Ofisa Sili o Pulega ina ia suia le resitalaina o le ituaiga ma le fausaga ua resitalaina a le faioloa.

- (3) E lē aloaia se fesuiaiga, seia vagana ai ua tau fai malilie i ai le faioloa ma le Ofisa Sili o Pulega, i le fesuiaiga.

15. Faalēaogāina o le resitalaina:

- (1) E mafai e le Ofisa Sili o Pulega ona faalēaogāina le resitalaina o se oloa, ituaiga po o se fausaga, pe afai:
- (a) ua le o toe faamalieina le Ofisa Sili o Pulega e faapea o le ituaiga ma le fausaga o lo o tausisia tulaga faataatitia ua faatulagaina; po o
 - (b) o se faioloa ua maua lona tuuina atu o faamatalaga sese pe tau faasese i le taimi na faia ai le talosaga; po o
 - (c) o lo o i ai i le Ofisa Sili o Pulega so o se isi lava mafuaaga, i le itu e manuia ai le atunuu.
- (2) E ao i le Ofisa Sili o Pulega ona faaoo atu muamua lava i le faioloa o se faasilasilaga ia lē silia le 20 aso faigaluega e manaomia ai le faioloa ina ia faia o se talosaga tusitusia i le Ofisa Sili o Pulega, e tusa o ni mafuaaga e lē tatau ai ona faalēaogāina le resitalaina.
- (3) O se faasilasilaga i lalo o le faafuaiupu (2) e ao ona faamaoti ai:
- (a) o mafuaaga mo le faalēaogāina; ma
 - (b) le aso e aloaia ai le faalēaogāina; ma
 - (c) so o se aiaiga o le faaauau ona faatau atu po o le lafoaia o oloa o se ituaiga po o le fausaga ua lē toe resitalaina.
- (4) E ao i le Ofisa Sili o Pulega ona lomina faasalalau so o se tulaga o le faalēaogāina i totonu o se nusipepa, e aofia ai faamatalaga auiliili o le ituaiga ma le fausaga ua lē toe resitalaina, o mafuaaga mo le faalēaogāina, o le aso na aloaia ai le faalēaogāina ma so o se aiaiga o le faaauau ona faatau atu po o le lafoaia.

16. Tusi resitala:

- (1) E ao i le Ofisa Sili o Pulega ona faavaeina ma tausia se tusi resitala e faamaumauina ai:
- (a) le igoa o ituaiga taitasi uma ma fausaga ua resitalaina i lalo o lenei Tulafono ma le aso o lona resitalaina; ma

- (b) le numera o le resitalaina e patino ia Samoa mo fausaga taitasi; ma
 - (c) le faatulagaga o le malosiaga faasaoina mo fausaga taitasi, e pei ona fuafuaina i lalo o tulaga faataatitia; ma
 - (d) le igoa ma le tuatusi o fesootaiga a le tagata po o le faioloa, o ia lea na resitalaina ituaiga taitasi ma fausaga; ma
 - (e) so o se faaliliuina atu, fesuiaiga po o le faalēaogāina o so o se resitalaina i lalo o lenei Tulafono; ma
 - (f) so o se isi lava faamatalaga ua faamaonia e le Ofisa Sili o Pulega.
- (2) E agavaa se tagata:
- (a) e fefaatauai se oloa o so o se ituaiga ma le fausaga o lo o lisiina atu i luga o le tusi resitala; ma
 - (b) ia asiasia le tusi resitala.

VAEGA 5 AIAIGA ESEESE

17. Lafoaia o oloa:

- (1) E mafai e le Ofisa Sili o Pulega, pe afai e le o resitalaina se oloa i lalo o le fuaiupu 9 po o ua muta le aogā o le resitalaina i lalo o le fuaiupu 13(1) po o se oloa e le i faatauina atu e pei ona manaomia i lalo o lenei Tulafono, ona lafoai o so o se oloa i so o se tasi o faiga nei:
 - (a) faatonuina le faioloa ina ia auina atu i fafo le oloa; po o
 - (b) ia faalēaogāina le oloa i se faiga ua faamaonia e le Ofisa Sili o Pulega; po o
 - (c) i so o se isi lava faiga ua faamaonia e le Ofisa Sili o Pulega.
- (2) Mo so o se oloa o lo o i lalo o le vaavaaiga a le Matagaluega mo Tupe Maua, e mafai e le Ofisa Sili o Pulega ona:
 - (a) talosagaina le Matagaluega mo Tupe Maua ina ia taofia le oloa o lo o teuina, seia oo ina lafoaia le oloa i lalo o le faafuaiupu (1); po o

- (b) i le i ai faatasi o le maliega a le Pule o le Tiute, ia fesiitai le oloa i se nofoaga atofaina mo le lafoaia, po o le teuina e talia ai ona lafoai; po o
 - (c) le faatonuina o se tagata ofisa faatagaina ina ia ave le oloa i se nofoaga atofaina mo le lafoaia, po o le teuina e talia ai ona lafoai.
- (3) Mo so o se oloa e le o i lalo o le vaavaaiga a le Matagaluega mo Tupe Maua, e mafai e le Ofisa Sili o Pulega ona:
- (a) manaomia se tagata ofisa faatagaina ina ia ave le oloa i se nofoaga atofaina mo le lafoaia, po o le teuina e talia ai ona lafoai; po o
 - (b) faatonuina se tagata ofisa faatagaina ina ia aveese le oloa mai le faioloa po o lē e ona ma ia ave le oloa i se nofoaga atofaina mo le lafoaia, po o le teuina e talia ai ona lafoai; po o
 - (c) le faia o so o se isi lava gaoioiga talafeagai e faamautinoaina ai ua ave le oloa i se nofoaga atofaina mo le lafoaia, po o le teuina e talia ai ona lafoai.
- (4) E mafai e le Ofisa Sili o Pulega ona atofaina se nofoaga mo le faamoemoe o lenei fuaiupu.
- (5) O ofisa o le Matagaluega ua faatatauina e avea ma nofoaga atofaina i lalo o le faafuaiupu (4).
- (6) O le faioloa po o lē e ona se oloa e noatia mo tupe totogi e fesootai ma le fesiitaiga, teuina po o le lafoaia o le oloa.

18. Faamatalaga mo faamoemoega tau fuainumera faamauina:

- (1) O se faioloa (e ese mai ai i lo se faioloa e faaulufaleina mai oloa mo le faaaogāina e ia lava) e ao ona tuuina atu i le Ofisa Sili o Pulega, ia lē silia le aso 30 Aperila i tausaga taitasi, i totonu o le pepa faatumu faamaonia, o faamatalaga o faatulaga atu ai le aofaiga o oloa na fefaatauai i le tausaga talu ai.
- (2) E mafai e le Ofisa Sili o Pulega ona faatonuina se faioloa ina ia faapea foi ona lipotia o tupe maua i le faatauina atu o isi ituaiga o oloa e faaaogāina ma faaluina i le malosiaiga faa-eletise.

- (3) I le avea ai o se tuusaunoaga i le faafuaiupu (1), e mafai e le Ofisa Sili o Pulega, i se faiga tusinga, ona talosagaina se faioloa ina ia tuuina atu, i totonu o le pepa faatumu faamaonia, ia lē silia le 30 aso faigaluega, i le tuanai ai ona mauaina o le talosaga, le aofaiga o oloa na fefaatauai a o faagasolo le vaitaimi o faamaotiina i totonu o le talosaga.

19. Faamatalaga agatapuia:

- (1) So o se faamatalaga e tuuina atu i le Matagaluega i lalo o le fuaiupu 18, e agatapuia.
- (2) E lē tatau i se tagata ona faailoa atu so o se faamatalaga agatapuia, seia vagana ai:
- (a) mo le faaaogāina aloaia e pei ona faatagaina mo faamoemoega o lenei Tulafono; po o
- (b) mo suesuega, moliaga po o mo tualumaga mo se soligatulafono e faasaga i lenei Tulafono po o isi tulafono; po o
- (c) e pei ona malilie i ai le Ofisa Sili o Pulega ma le faioloa.
- (3) So o se faamatalaga e lē faapitoa i se tagata:
- (a) e mafai ona faailoaina atu i -
- (i) se tagata faigaluega a le Matagaluega; po o
- (ii) se tagata faufautua faapitoa i le Matagaluega; po o
- (iii) se tagata, o ia lea e faasino tonu i ai le faamatalaga; ma
- (b) ua lomua faasalalau i lalo o le faafuaiupu (4).
- (4) E mafai e le Matagaluega ona lomua faasalalau o faamatalaga tau fuainumera faamauina pe afai o fuainumera faamauina ua faatulaga i se faiga ina ia puipuia ai faamatalaga ua lomua faasalalau, mai le tulaga o le mafai ona faailoagofie e se tagata (e ese mai ai i lo le tagata, o ia lea na faaoina mai le faamatalaga) e avea o faamatalaga e faasino i se tagata faapitoa, seia vagana ai:
- (a) o lea tagata ua i ai lana maliega i le lomua faasalalau o le faamatalaga i lena faiga, po o ua maea ona ia faatagaina lona lomua faasalalau i lena faiga; po o

- (b) o le lomiga faasalalau o le faamatalaga i lena faiga na lē mafai i se tulaga talafeagai lelei ona silasila mamao i ai le Matagaluega.

20. Soligatulafono ma faasalaga:

- (1) Ua faia e se tagata se soligatulafono, o ia lea:
 - (a) ua na solia le fuaiupu 8;
 - (b) i le taimi na resitalaina ai se ituaiga po o se fausaga, na faaalua manino pe na tuuina mai so o se pepa aloaia lea na iloa lelei e le tagata e sese pe tau faasese; po o
 - (c) pe afai o se oloa, ituaiga po o se fausaga e le i resitalaina, ua na faia o se gaoioiga e ono mafai ona manatu ane ai so o se isi lava tagata e talitonu ua maea ona resitalaina o lea oloa, ituaiga po o se fausaga; po o
 - (d) o lo o faaauau ona fefaatauai se oloa o se ituaiga po o se fausaga, o lona resitalaina ua muta lona aogā, seia vagana ai pe afai ua faatauina atu lea oloa i lalo o aiaiga ua faamaotiina e le Ofisa Sili o Pulega i lalo o le faafuuiupu 13(2)(b); po o
 - (e) mo se oloa o lo o manaomia ona faalauiloa o se pepa igoa ma faamaumauga moomia o se malosiaga, fefaatauai se oloa lea e le o manino le pepa igoa ma faamaumauga moomia o le malosiaga, leiloa po o e lē sao po o o lo o tauaveina se pepa igoa ma faamaumauga moomia o se malosiaga e le o tausisia o tulaga faataatitia.
- (2) O se tagata, o ia lea ua faamaonia faaletulafono i se moliaga mo se soligatulafono i lalo o le faafuuiupu (1) e noatia i faasalaga nei:
 - (a) mo se uluai soligatulafono, o se sala tupe e lē silia le 10 iunite tau faasalaga po o le nofosala i le falepuipui mo se vaitaimi e lē silia le ono (6) masina; ma
 - (b) mo se soligatulafono lona lua po o se soligatulafono e mulimuli ane ai, o se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le 12 masina.

- (3) O le Faamasinoga lea na faamaonia faaletulafono se moliaga o se tagata i se soligatulafono i lalo o lenei Tulafono, e mafai ona poloaia:
- (a) le faoa faamalosia o so o se oloa lea na faia ai le soligatulafono; po o
 - (b) ia faasaina le tagata mai le fefaatauaiga o so o se oloa mo se vaitaimi ua faamaotiina i totonu o le poloaiga; po o
 - (c) e tatau ona faailoa mautinoa e le tagata le isi tagata, o ia lea na faaooina i ai le oloa ma ia ofoina i ai se tau e ala i se oloa o tausisia aiaiga e tutusa lona lelei manaomia e suia ai, po o se tupe toe totogi atu mo tau faaopoopo faatupulaia o le malosiaga na afua mai i le faaooina atu o le oloa e le o tausisia aiaiga.
- (4) E tatau i le Ofisa Sili o Pulega ona lomua faasalalau i se faiga e pei ona ia manatu ua talafeagai ai, le igoa, tuatusi ma le faamatalaga o se tagata o ia lea e faasino i ai se poloaiga na faia i lalo o le faafuaiupu (3) e le Faamasinoga.

21. Tulafono Faatonutonu:

- (1) E mafai e le O Le Ao o le Malo, i le faia i luga o le fautuaga a le Kapeneta, ona faia tulafono faatonutonu e aloaia ai o po o mo faamoemoega o lenei Tulafono.
- (2) E noatia ma fai fuafua o totogifuapauina faatonuina i le uluai faamaoniga a le Komiti Faatino o Tupe Maua a le Atunuu, a o le i fautuaina e le Kapeneta le O Le Ao o le Malo ina ia faia o Tulafono Faatonutonu mo ia itu.

22. Pepa faatumu faamaonia:

E mafai e le Ofisa Sili o Pulega ona faamaonia pepa faatumu mo le faamoemoe o lenei Tulafono.

23. Aiaiga tau soloaiga:

- (1) I le amata faamamaluina ai o lenei Tulafono, so o se oloa, ituaiga po o se fausaga lea sa faaulufale mai, po o sa okaina ma faamoemoe mo

le utaina mai, po o ua maea tapena e utaina i vaa mo le faaulufale mai, i totonu o Samoa:

- (a) lea e le o tausisia tulaga faataatitia, e lē manaomia ona resitalaina ma e tatau ona faatauina atu i totonu o le 12 masina mai le aso na amata faamamaluina ai lenei Tulafono;
 - (b) lea o lo o resitalaina i Ausetalia, Niu Sila, Fiti po o isi atunuu ua faamaonia e le Ofisa Sili o Pulega, e ao ona tagofia e tusa ai ma le fuaiupu 9 o lenei Tulafono.
- (2) Afai e i ai se mafuaaga a le Ofisa Sili o Pulega po o se tagata faatagaina e le Ofisa Sili o Pulega, e talitonuina ai e faapea, na faaulufale mai le oloa, po o sa okaina ma faamoemoe mo le utaina mai, po o ua maea tapena e utaina i vaa mo le faaulufale mai i totonu o Samoa i le tuanai ai o le amata faamamaluina o lenei Tulafono, e mafai e ia ona talosagaina se faioloa ina ia tuuina mai se faamaoniga o le aso na okaina ai, uta mai ai po o le faaulufale mai o le oloa.
-